



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 96. Matthæus de Bassio coram summo Pontifice.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

mille passibus a Conventu distabat, cum Sæcul. XVI.
 a quibusdam scurris ejusmodi vestitum A.C. 1526.
 deridentibus pro Histrione, ab aliis
 vero pro versipelle ac fure habebatur,
 quocirca unaomnes in eum infano furo-
 re irruentes, injuriis laceffitum carceri
 mancipabant, ex quo illum tamen eo-
 dem ferme momento extrahebant, ve-
 ritatis, ac patientiæ suæ exemplis ad
 saniora revocati.

§. XCVI.

*Matthæus de Bassio coram summo
Pontifice.*

Post hæc Matthæus de Bassio Romam
 delatus, ad Vaticanum contendit,
 atque anteriora pertransiens cubicula ad
 ipsum summi Pontificis conclave pene- *Ant. Caluse*
 travit, a nemine, ut fertur, aut inter- *l. cit. p. 54.*
 pellatus, aut detentus, quod tamen vix
 credibile videtur. Utut res se habuerit,
 id omnino certum est, quod Papa hu-
 jus Viri conspectu attonitus, quæ pete-
 ret, ab eo sciscitatus fuerit, ille vero
 eidem, hæc in responsis dederit: „Bea-
 „tissime Pater! ex Ordine Fratrum Mi-
 „norum minimus sum Sacerdos, qui
 „nil ardentius in votis habet, nisi ut
 „Regulam sancti Patris mei Francisci,
 „quam Deo omnipotenti olim voveram,
 „ea qua potero fidelitate observem, ac
 L 3 „juxta

Sæcul. XVI „juxta vires meas sanctissimæ vitæ ejus
 A.C. 1526. „exercitia quadam pia æmulatione imi-
 „tari valeam, hancque ob rem vetustif-
 „simas Ordinis consuetudines, ac diser-
 „tam regulæ legem in opus deducere
 „cupio. Cum ergo extra omne dubium
 „sit positum, quod sanctus Franciscus
 „nil nisi faccum detritum, ac capuc-
 „cium in acumen desinens, absque ve-
 „ste ex scapulis defluente, quod *scapu-*
 „*lare* vocant, gestaverit, eo prorsus mo-
 „do, quo Sanctitas sua me vestitum co-
 „ram cernit, hæcque olim norma fue-
 „rit vestium, quibus primi Fratres Mi-
 „nores erant vestiti, hinc, postquam ad
 „Deum crebras fuderam lacrimas pre-
 „cesque, tandem agnovi, hanc esse Dei
 „voluntatem, ut ea consilia opere exe-
 „quar. Igitur Beatissime Pater, hæc
 „sola causa est, qua permotus ad San-
 „ctitatis suæ pedes humillime provol-
 „vor, rogoque, ut ab ea hanc vestis
 „normam obtinere valeam, eaque im-
 „petrata Sanctitatis suæ patrocínio suf-
 „fultus in Eremis sancti Francisci Re-
 „gulam colere, Verbum Dei prædica-
 „re, necnon sceleratissimorum peccato-
 „rum saluti vacare valeam. „